



Terenga 4: Hōtaka 4 – He Rerenga Tatau

He Mihi

Māku anō hei hanga tōku nei whare. Ko ngā pou o roto ko ngā iwi o te motu, ko te tāhuhu, ko te reo Māori, ko te tūāpapa, ko ngā tikanga tuku iho. He aha rā hei poutokomanawa mō tō tātou whare reo Māori? Māku e kī atu, ko te aroha ki te taonga i whakarērea mai ai e kui mā, e koro mā.

Hei Mahi Whakarongo

Ko Tukoroirangi Morgan, nō Tainui waka, te manuwhiri a Chris Winitana i runga i te hōtaka o Te Tēpu. Kia whakarongo tātou ki ā rāua kōrero, ka whakautu ai i ngā pātai nei:

- 1) Nā wai te pani i tiaki?
- 2) Tokohia i pania?
- 3) Nōnawhea i pā mai ai te mate rā?

He Whakamārama

Anei ētehi pātai e mōhio ai koe ki te nui, ki te tokomaha rānei.

E hia?	<i>How many are there?</i>
Tokohia?	<i>How many people are there?</i>
Kia hia?	<i>How many would you like?</i>
Ka hia?	<i>How many will there be?</i>

Te tatau:

Anei ētehi kupu rerekē e pā ana ki ngā mahi tatau:

Tau = nama

kehe = *odd number*

taurua = *even number*

ngahuru = tekau

Ngatahure = tahi ; rie = rua; matenga = toru; ngawiri = tekau (Te Rarawa)

hoko + nama = nama x 20

hokowhitu = 140

Hei Mahi

Whakautua ngā pātai e whai ake nei:

1. E hia ngā kūaha o tō whare?
2. Tokohia ā kōrua mokopuna?
3. Kia hia ngā huka ki roto i tō kapu tī?
4. Ka hia tō roa ki reira?

Whakautu:

1. E rua ngā kūaha o tō mātou whare.
2. Tokowhitu ā māua ko Hira mokopuna.
3. Kia kotahi.
4. Ka rima tau au ki reira.